

Կ Ա Ր Գ

ՀԱՅԿԱԿԱՆ ԿՈՆՑԱԿԻ ՈՒ ԲՐԵՆԴԻԻ ՍՊԻՐՏԻ ԵՎ ԽԱՂՈՂԻ  
ՕՂՈՒ ԹՈՐՎԱԾՔԻ ՀՆԱՑՄԱՆ

I. ԿԻՐԱՌՄԱՆ ՈԼՈՐՏԸ

1. Սույն կարգով սահմանվում են հայկական կոնյակի ու բրենդիի սպիրտի (այսուհետ՝ սպիրտ) և խաղողի օղու թորվածքի (այսուհետ՝ թորվածք) հնացման ժամկետները, ռեժիմները և հնացմանը ներկայացվող հիմնական պահանջները:

II. ԸՆԴՀԱՆՈՒՐ ԴՐՈՒՅԹՆԵՐ

2. Սպիրտը և թորվածքը հնացվում են այդ նպատակով նախատեսված տարածքներում՝ տեխնոլոգիական հրահանգով սահմանված պայմաններում:

3. Սպիրտը և թորվածքն արձնապատ կամ սպիրտի և թորվածքի հետ քիմիական ռեակցիայի մեջ չմտնող և զգայորոշման ցուցանիշների վրա ազդեցություն չթողնող այլ նյութից (այսուհետ՝ չեզոք նյութ) պատրաստված տարողություններում կաղնեփայտի առկայությամբ հնացվելու դեպքում՝ մեկ դեկալիտր հեղուկի հաշվով կաղնու փայտի տեսակա-րար մակերեսը պետք է կազմի **700-900** քառ. սմ:

4. Հնացման համար օգտագործվող՝ չեզոք նյութից պատրաստված տարողություններում սպիրտի կամ թորվածքի քանակը չպետք է գերազանցի ընդհանուր տարողության **98** տոկոսը:

5. Չեզոք նյութից պատրաստված տարողություններում սպիրտի և թորվածքի հնացման դեպքում սպիրտը և թորվածքը տարեկան երկու անգամ հարստացվում են թթվածնով՝ թթվածնի պարունակությունը դրանցում հասցնելով **15-18** մգ/լ-ի:

### III. ՍՊԻՐՏԻ ԵՎ ԹՈՐՎԱԾՔԻ ՀՆԱՑՄԱՆ ԺԱՄԿԵՏՆԵՐԸ ԵՎ ՀՆԱՑՄԱՆԸ ՆԵՐԿԱՅԱՑՎՈՂ ՀԻՄՆԱԿԱՆ ՊԱՀԱՆՋՆԵՐԸ

6. Հայկական կոնյակների պատրաստման համար նախատեսված՝ հնացման ենթակա կոնյակի երիտասարդ սպիրտները պետք է համապատասխանեն Հայաստանի Հանրապետության կառավարության **2006** թվականի մայիսի **26**-ի **N 954**-Ն որոշմամբ հաստատված հայկական կոնյակների և հայկական կոնյակի սպիրտների տեխնիկական կանոնակարգով սահմանված անվտանգության, քիմիական և զգայորոշման ցուցանիշներին:

7. Հնացված սպիրտի կամ թորվածքի տարիքի հաշվարկը կատարվում է հնացումն սկսելու (կաղնեփայտի հետ շփման մեջ մտնելու) ամսվանից: Հնացման դրվող յուրաքանչյուր խմբաքանակ համարակալվում է: Հնացման տարաների վրա նշվում են խմբաքանակի համարը, հնացման դրվելու տարեթիվն ու ամիսը և տվյալ տարայում լցված հեղուկի քանակը:

8. Հնացված սպիրտը կամ թորվածքը կուպաժներում օգտագործվում է որպես տվյալ տարիքի սպիրտ կամ թորվածք, եթե հնացումն սկսելու ամսվանից անցել են համապատասխան տարիներ, կամ հնացումը կատարվել է համապատասխան տարիներից առավելագույնը երեք ամիս պակաս ժամկետում՝ բացառությամբ սույն կարգի **9**-րդ, **11**-րդ և **12**-րդ կետերում նշված՝ նվազագույն ժամկետներում հնացված սպիրտի կամ թորվածքի:

9. Հայկական սովորական կոնյակների պատրաստման համար նախատեսված կոնյակի սպիրտները հնացվում են առնվազն երեք տարի:

**10.** Հայկական հասուն կոնյակների պատրաստման համար նախատեսված կոնյակի սպիրտների հետագա հնացումը շարունակվում է միայն կաղնեփայտյա տարողություններում:

**11.** Բրենդիների պատրաստման համար նախատեսված սպիրտները հնացվում են առնվազն երկու տարի:

**12.** Խաղողի հնացված օղիների պատրաստման համար նախատեսված խաղողի օղու թորվածքները հնացվում են առնվազն մեկ տարի:

**13.** Նախքան թորվածքը հնացման դնելը՝ թույլատրվում է այն նոսրացնել ջրով:

**14.** Հնացման ընթացքում հայկական կոնյակի սպիրտների գլուխյցման առնվազն **90** տոկոսը պետք է կազմեն նույն տարիքի սպիրտները: Մնացած **10** տոկոսը կարող են կազմել ավելի երիտասարդ սպիրտները, որոնց տարիքը չպետք է պակաս լինի մեկ տարվանից՝ մինչև **6** տարի, **2** տարվանից՝ **6-10** տարի, **5** տարվանից՝ **10-25** տարի, և **7** տարվանից՝ **25**-ից ավելի տարի՝ հնացված սպիրտների տարիքից:

**15.** Հնացման ընթացքում բրենդիի սպիրտների գլուխյցման առնվազն **85** տոկոսը պետք է կազմեն նույն տարիքի սպիրտները: Մնացած **15** տոկոսը կարող են կազմել ավելի երիտասարդ սպիրտները, որոնց տարիքը չպետք է պակաս լինի **2** տարվանից՝ մինչև **6** տարի, **3** տարվանից՝ **6-10** տարի, **5** տարվանից՝ **10-25** տարի, և **7** տարվանից՝ **25**-ից ավելի տարի՝ հնացված սպիրտների տարիքից:

**16.** Հնացման ընթացքում խաղողի օղու թորվածքի գլուխյցման առնվազն **80** տոկոսը պետք է կազմեն նույն տարիքի թորվածքները: Մնացած **20** տոկոսը կարող են կազմել ավելի երիտասարդ թորվածքները, որոնց տարիքը չպետք է պակաս լինի մեկ տարվանից՝ մինչև **3** տարի, **2** տարվանից՝ **3-6** տարի, **3** տարվանից՝ **6-10** տարի, և **5** տարվանից՝ **10**-ից ավելի տարի՝ հնացված թորվածքների տարիքից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ  
ՂԵԿԱՎԱՐ

Դ. ՍԱՐԳՍՅԱՆ